

411 Gawan dô muose entwîchen,  
 doch unlasterfîchen.  
 Unders turnes tûr er wart getân.  
 nû seht, dô kom der selbe man,  
 5 der in kampflîche an ê sprach.  
 vor Artuse daz geschach.  
 der lantgrâve Kyngrimursel  
 gram durch swarten unt durch vel.  
 durch Gawans nôt sîne hende er want.  
 10 wan des was sîn triwe pfant,  
 daz er dâ solte haben vride,  
 ez enwære, daz eines mannes lide  
 in in kampfe twungen.  
 die alten unt die jungen  
 15 treib er vonne turne wider.  
 den hiez der kûnec brechen nider.  
 Kyngrimursel dô sprach  
 hin ûf, dâ er Gawanen sach:  
 »helt, gib mir vride zuo dir dar in.  
 20 ich wil geselleclîchen pîn  
 mit dir hân in dirre nôt.  
 mich muoz der kûnec slahen tôt  
 oder ich behalte dir dîn leben.«  
 Gawan den vride begunde geben.  
 25 Der lantgrâve spranc zuo zim dar.  
 des zwîvelte diu ûzer schar.  
 er was ouch burcgrâve al dâ.  
 si wæren junc oder grâ,  
 die blûgeten an ir strîte.  
 30 Gawan spranc an die wîte,

ê om. ↓\*G (ohne O)

Der l. Kingrimursel, \*G

unde d. vel, \*T

Versfolge 411.10–9 \*T · nôt s. h. er (not er sine hende G) w., \*G \*T

wan dâ wære sîn triuwe pf. \*T (ohne V)

ez e., dâ eines m. l. \*T (nur T)

in an k. tw. \*T (ohne V)

die tr. \*T (L)

vr. zuo dir hin in. \*G (nur GI) vr. hin ûf (hin of zû dir U zû dir V) dar in. \*T

zuo im dar. \*G (ohne O) (\*T)

diu bl. (blûgete U) \*T

\*D: D \*m: m \*G: G I O L Z \*T: T U V

3 Initiale D I O L Z 4 Majuskel T 7 Initiale G 17 Initiale I T U 25 Majuskel D T

1 dô muose Gawan entwîchen, \*m 5 der in ê (nie m) kampflîche an sprach. \*m (V) · Der in E kempflîche ane sprach L · Der in kampflîch e an sprach Z 25 zim] ime \*m 29 die blûgeten] si blûgeten (Si blûgenten O) \*m (O)